

održanoj 25.3.2016. godine, utvrdila je prečišćeni tekst Zakona o sudskim taksama.

Bosna i Hercegovina	Predsjednik
- Federacija Bosne i Hercegovine -	Zakonodavno-pravne komisije
TUZLANSKI KANTON	Skupštine Tuzlanskog kantona,
Skupština	
- Zakonodavno-pravna komisija -	Muamer Zukić, v.r.
Broj: 01-02-165-2/16	
Tuzla, 25.3.2016. godine	

ZAKON O SUDSKIM TAKSAMAMA - Prečišćeni tekst -

DIO PRVI - OPĆE ODREDBE

Članak 1.

(Plaćanje sudske takse)

(1) Ovim zakonom reguliraju se pitanja vezana za sudske takse i utvrđuje postupak i način plaćanja sudskih taksi, kao i druga pitanja u svezi s tim, u postupcima pred Kantonalnim sudom u Tuzli i općinskim sudovima na području Tuzlanskog kantona (u daljem tekstu: Kanton).

(2) Postupci u kojima se plaća sudska taksa i visina sudske takse za pojedine radnje, utvrđeni su u Tarifi sudskih taksi, koja se nalazi u prilogu ovog zakona i čini njegov sastavni dio.

Članak 2.

(Obveznik plaćanja takse)

(1) Takse propisane ovim zakonom plaća osoba po čijem zahtjevu ili u čijem interesu se poduzimaju radnje u postupku, za koje je ovim zakonom utvrđeno plaćanje takse (u daljem tekstu: takseni obveznik).

(2) Za podneske i zapisnike koji zamjenjuju podneske taksu je dužna platiti osoba koja podnosi podneske i osoba na čiji zahtjev se sastavlja zapisnik, odnosno osoba u čijem interesu se poduzimaju radnje.

(3) Za odluku prvostupanjskog suda taksu je dužan platiti tužitelj, odnosno predlagatelj, a za sudsku nagodbu taksu su dužne platiti obje strane, ukoliko u nagodbi nije drugačije ugovoreno.

(4) Za odluku drugostupanjskog suda i za odluku po vanrednom pravnom sredstvu, taksu je dužan platiti podnositelj žalbe, odnosno osoba u čijem interesu je pokrenut postupak po vanrednom pravnom sredstvu.

(5) Kada su sukladno odredbama ovog zakona taksu dužne platiti dvije ili više osoba zajedno, njihova obveza je solidarna.

Članak 3.

(Plaćanje takse u zemljišno-knjižnim postupcima)

(1) Taksu za upis u zemljišno-knjižnim postupcima dužna je platiti osoba u čiju se korist vrši upis. Ako upis traži osoba čije se pravo ograničava, opterećuje, ukida ili prenosi na drugu osobu, ta osoba također solidarno jamči za plaćanje takse s osobama u čiju se korist vrši upis.

(2) Taksa za upis u zemljišno-knjižnim postupcima plaća se i kad se upis vrši po službenoj dužnosti, ako se ne radi o upisu koji je oslobođen od takse.

(3) Ako se u zemljišno-knjižnim postupcima, na temelju jednog zahtjeva, upisuje više prava u korist jedne osobe, taksa se plaća onoliko puta koliko se upisa traži.

(4) Taksa za upis u zemljišno-knjižnim postupcima plaća se i kad se upis vrši u tijeku parničnog, vanparničnog ili izvršnog postupka.

(5) Za davanje usmenih informacija i obavještenja u zemljišno-knjižnim postupcima se ne naplaćuje ni sudska taksa ni dodatni troškovi.

Članak 4.

(Obvezno dostavljanje dokaza o plaćenju taksi)

(1) Uz podnesak (tužba, prijedlog, pravni lijek i dr.) obvezno se dostavlja dokaz o plaćenju taksi.

(2) Ukoliko stranka smatra da ispunjava zakonom propisane uvjete da bude oslobođena plaćanja takse, mora uz podnesak podnijeti i zahtjev za oslobađanje od plaćanja takse.

(3) U vlasničkim sporovima o nekretninama, uz podnesak se obvezno prilaže i dokaz o utvrđenoj vrijednosti nekretnine.

Članak 5.

(Uzajamnost plaćanja takse i poduzimanja radnji u postupku)

(1) U slučaju da stranka sudu dostavi podnesak bez dokaza o plaćenju taksi, sud će pozvati stranku, odnosno njenog punomoćnika, da uplati odgovarajuću taksu u roku od osam dana.

(2) Ukoliko stranka ne uplati taksu u roku iz stavka (1) ovog članka, sud će nastaviti postupak i postupiti sukladno odredbama ovog zakona.

Članak 6.

(Vrijeme nastanka obveze plaćanja takse)

Ako ovim zakonom nije drugačije propisano, taksena obveza nastaje:

a) za sudske odluke - danom donošenja sudske odluke, a ukoliko jedna od stranaka nije prisustvovala glavnoj raspravi, od dana dostavljanja pismene obavijesti o datumu donošenja odluke, odnosno danom dostavljanja odluke ako se dostava vrši sukladno zakonskim odredbama o dostavi;

b) za sudske nagodbe - kada se zaključe;

c) za paušalnu taksu u postupku raspravljanja zaostavštine - danom donošenja rješenja o nasljeđivanju;

d) u postupku stečaja - danom donošenja rješenja o glavnoj diobi u postupku stečaja;

e) u postupku likvidacije - danom donošenja rješenja o zaključenju likvidacijskog postupka;

f) za sudske prijepise - kada se zatraže od suda;

g) za ostale radnje - kada se zatraži njihovo poduzimanje.

Članak 7.

(Naknadno plaćanje takse)

(1) Iznimno od obveze iz članka 4. ovog zakona, za podneske i odluke u upravnim sporovima u stvarima mirovinskog, invalidskog i zdravstvenog osiguranja, dječijeg dodatka, starateljstva i socijalne pomoći, taksa se plaća samo ako tužba bude odbijena ili odbačena.

(2) Taksena obveza iz stavka (1) ovog članka nastaje danom donošenja odluke.

Članak 8.

(Obračun i kontrola plaćanja takse)

(1) Iznos takse, koju je takseni obveznik dužan platiti, obračunava sudija, odnosno stručni suradnik koji vodi postupak. O visini takse, odnosno o obvezi plaćanja takse, sud donosi rješenje protiv koga je dozvoljena žalba u roku od osam dana po prijemu rješenja. Izjavljena žalba ne odlaže izvršenje rješenja.

(2) Kontrolu naplate takse vrši sudija, odnosno stručni suradnik koji vodi postupak.

Članak 9.

(Način plaćanja takse)

(1) Takse predviđene Tarifom sudskih taksi su prihod Proračuna Kantona i plaćaju se u gotovom novcu uplatom na propisani račun javnih prihoda ili u sudskim taksnim markama.

(2) Propise o emitiranju i distribuciji sudskih taksenih maraka za područje Kantona donosi Vlada Tuzlanskog kantona na prijedlog Ministarstva financija Tuzlanskog kantona.

(3) Do emitiranja i distribucije sudskih taksenih maraka po propisima iz stavka (2) ovog članka, sve takse će se na propisan način plaćati u gotovom novcu, a nakon toga, u gotovom novcu će se plaćati samo takse čiji je iznos veći od 50 KM, dok će se takse u iznosu do 50 KM i 50 KM plaćati sudskim taksenim markama.

Članak 10.

(Rok zastare naplate takse)

Pravo na naplatu takse zastarijeva u roku od pet godina od dana nastanka taksene obveze.

DIO DRUGI - OSLOBAĐANJE OD PLAĆANJA TAKSE

Članak 11.

(Oslobođeni od obveze plaćanja takse)

(1) Od plaćanja takse oslobođeni su:

- a) država Bosna i Hercegovina i njeni organi;
- b) entiteti i njihovi organi;
- c) Brčko Distrikt Bosne i Hercegovine;
- d) kantoni i njihovi organi;
- e) jedinice lokalne samouprave;
- f) ustanove za socijalni rad;
- g) Crveni križ Kantona, grada i općine;
- h) član obitelji šehida, poginulog, umrlog i nestalog

branitelja koji je iza poginulog ostvario pravo na obiteljsku invalidninu, kao i ratni vojni invalid sa i preko 50% vojnog invaliditeta;

i) logoraši i žrtve teških kršenja međunarodnog prava i ljudskih prava i ozbiljne povrede međunarodnog humanitarnog prava u postupku ostvarivanja prava na reparaciju;

j) osobe s invaliditetom 60% i više invalidnosti u postupcima za ostvarivanje statusnih prava koja im pripadaju po osnovu invalidnosti;

k) izdržavane osobe u postupcima utvrđivanja i ostvarivanja prava po osnovu zakonskog izdržavanja;

l) osoba u sporu u svezi s ostvarivanjem njenih prava iz radnog odnosa;

m) nasljednici prvog nasljednog reda za raspravljanje zaostavštine i za uknjižbu vlasništva odnosno suvlasništva na naslijeđenim nekretninama.

(2) Od plaćanja takse u iznosu od 50% oslobođeni su i nezaposleni branitelji koji su u redovima oružanih snaga Federacije Bosne i Hercegovine proveli najmanje dvije godine.

(3) Takse za podneske i radnje ne plaća osoba koja poklanja svoju imovinu organima iz stavka (1) ovog članka, socijalno-humanitarnim, znanstvenim ili kulturnim organizacijama, ustanovama ili fondacijama.

(4) Strana fizička i pravna osoba je oslobođena plaćanja takse ako je to predviđeno međunarodnim ugovorom ili pod uvjetom reciprociteta. U slučaju sumnje o postojanju reciprociteta, prethodno se pribavlja mišljenje nadležnog ministarstva Bosne i Hercegovine.

Članak 12.

(Kada se po zakonu ne plaća sudska taksa)

(1) U zemljišno-knjižnim postupcima ne plaća se taksa za:

- a) upis opravdanja predbilježbe;
- b) potpuno ili djelimično brisanje nekog upisanog prava;
- c) službene radnje u postupku uređenja, zasnivanja i ispravljanja zemljišnih knjiga, osim ako je greška nastala krivicom titulara prava, u postupku usklađivanja zemljišnih

knjiga s faktičkim stanjem, kao i u postupku za obnavljanje uništenih zemljišnih knjiga, ukoliko se vjerodostojnom ispravom utvrdi da je upis bio prije proveden;

d) upis sprovođenja odluke o diobi prava vlasništva ili prava služnosti korištenja, ako su učesnici diobe bili upisani kao suvlasnici tih prava;

e) za zabilježbu privremene uprave određene u tijeku postupka prinudne javne prodaje, kao i za zabilježbu prinudne uprave određene umjesto prinudne javne prodaje,

f) naknadni upis supružnika kao suvlasnika na temelju sudske odluke, ako je jedan od supružnika upisan kao vlasnik u zemljišnim knjigama, kao i za upis kojim se označava idealni dio svakog supružnika na nekretninama koje su u njihovom suvlasništvu;

g) upis u zemljišne knjige prava konstituiranih zakonom u korist građana;

h) sve ostale radnje koje se poduzimaju po službenoj dužnosti.

(2) U postupku stečaja i likvidacije taksa se ne plaća za:

a) podneske stečajnog ili likvidacijskog upravnika;

b) podneske kojima se prijavljuje upis stečajnog ili likvidacijskog postupka, ili upis u sudski registar koji se vrši po službenoj dužnosti.

(3) Za upis odluke o otvaranju stečajnog postupka, odluke o pokretanju postupka likvidacije, kao i odluke o zabrani obavljanja određene djelatnosti, odnosno poslova pravne osobe, ne plaća se taksa.

Članak 13.

(Sudsko oslobađanje)

(1) Sud može osloboditi obveznika od plaćanja takse ako bi plaćanjem takse, imajući u vidu visinu sredstava iz kojih se obveznik i članovi njegove obitelji izdržavaju, ta sredstva bila u tolikoj mjeri umanjena da bi time bila ugrožena njihova egzistencija.

(2) Odluku iz stavka (1) ovog članka donosi sud na pismeni zahtjev taksenog obveznika. Prije donošenja odluke, sud će cijeliti sve okolnosti, a naročito će uzeti u obzir vrijednost mjerodavnu za naplatu takse, ukupan prihod i imovinu taksenog obveznika i članova njegove obitelji, koje takseni obveznik izdržava.

(3) Pod obitelji u smislu odredaba ovog zakona se podrazumijeva obitelj kako je to definirano člankom 2. stavkom (1) Obiteljskog zakona Federacije Bosne i Hercegovine („Službene novine Federacije BiH“, broj: 35/05).

Članak 14.

(Dokazi za oslobađanje od obveze za plaćanje takse)

(1) Visina prihoda taksenog obveznika i članova njegove obitelji, dokazuje se na temelju uvjerenja nadležnog organa uprave, odnosno drugih pismenih dokaza koje je takseni obveznik dužan podnijeti o svom imovnom stanju.

(2) Uvjerenje iz stavka (1) ovog članka služi kao dokaz za oslobađanje od plaćanja takse samo ako od njegovog izdavanja do podnošenja zahtjeva za oslobađanje nije proteklo više od mjesec dana.

(3) Kada je to potrebno, sud može, po službenoj dužnosti, pribaviti potrebne podatke i obavještenja o imovnom stanju taksenog obveznika i članova njegove obitelji, a može o tome saslušati i protivnu stranku.

(4) Protiv odluke suda u svezi sa zahtjevom za oslobađanje od plaćanja takse nije dozvoljena posebna žalba.

Članak 15.

(Rješenje o oslobađanju od obveze plaćanja takse)

(1) Rješenje o oslobađanju od obveze plaćanja takse odnosi se na sve takse po odgovarajućem predmetu, bez obzira kada je nastala taksena obveza.

(2) Sud može u tijeku postupka ukinuti rješenje o oslobađanju od plaćanja takse ako utvrdi da je takseni

obveznik u stanju platiti taksu, a tom prilikom će odlučiti da li će takseni obveznik u potpunosti ili djelimično platiti taksu od koje je bio ranije oslobođen.

Članak 16.

(Važenje oslobođanja od obveze plaćanja takse)

(1) Oslobođanje od obveze plaćanja takse dato u parničnom i vanparničnom postupku, kao i u postupku u upravnim sporovima važi i u postupku izvršenja odluka donijetih u tim postupcima, ako se izvršenje zahtijeva u roku od tri mjeseca po pravomoćnom okončanju postupka.

(2) Oslobođanje od obveze plaćanja takse u vanparničnom i izvršnom postupku važi i u parničnom postupku koji nastane u tijeku i povodom vanparničnog i izvršnog postupka.

Članak 17.

(Osobe koje nisu dužne plaćati taksu za drugog)

(1) Staratelj osobe čije je boravište nepoznato, staratelj imovine čiji je sopstvenik nepoznat, kao i privremeni zastupnik stranke koga sud postavi u postupku, nisu dužni plaćati takse za osobu koju zastupaju.

(2) Naplata takse u slučajevima iz stavka (1) ovog članka vrši se iz imovine osoba koje se zastupaju.

(3) Neplaćenu taksu u slučajevima iz stavka (1) ovog članka sud će unositi u popis taksi i po završetku postupka postupit će sukladno odredbama članka 31. ovog zakona.

Članak 18.

(Osobe na koje se odnosi oslobođanje od obveze plaćanja takse)

(1) Oslobođanje od obveze plaćanja takse odnosi se samo na osobu kojoj je to oslobođanje priznato.

(2) Kada više osoba zajednički predaju podnesak ili zajedno poduzmu radnju u postupku, a jedna ili više njih je oslobođena od obveze plaćanja takse, osoba koja nije oslobođena dužna je platiti taksu kao da nema oslobođenih od obveze plaćanja takse.

Članak 19.

(Uspjeh u postupku i obveza plaćanja takse)

(1) Ako u parničnom i izvršnom postupku osoba oslobođena od obveze plaćanja takse uspije u postupku, taksu koju bi ona bila dužna platiti da nije bila oslobođena, platit će stranka koja ne uživa oslobođanje, i to u srazmjeri u kojoj je oslobođena stranka uspjela u postupku.

(2) Ako se između stranke oslobođene od obveze plaćanja takse i stranke koja nije oslobođena zaključi sudska nagodba, taksu koju bi trebala platiti oslobođena stranka platit će stranka koja nije oslobođena, osim ako se stranke drugačije ne dogovore.

Članak 20.

(Popis takse za plaćanje)

(1) Kada u postupku pred sudom učestvuju na jednoj strani osoba koja je oslobođena od obveze plaćanja takse, a na drugoj osoba koja nije oslobođena, sud je dužan voditi i popis takse koju bi trebala platiti oslobođena osoba.

(2) Popis takse se zaključuje po završetku postupka. Ako se postupak završi na način predviđen člankom 19. ovog zakona sud će postupiti sukladno odredbama članka 31. ovog zakona.

DIO TREĆI - UTVRĐIVANJE VRIJEDNOSTI PREDMETA SPORARADI NAPLATE TAKSE

Članak 21.

(Utvrđivanje vrijednosti predmeta spora u parničnom postupku)

(1) U parničnom postupku taksa se plaća prema vrijednosti predmeta spora.

(2) Ako ovim zakonom nije drugačije određeno, odredbe propisa o parničnom postupku, na temelju kojih se utvrđuje vrijednost spora, primjenjuju se i prilikom određivanja vrijednosti spora radi naplate takse.

Članak 22.

(Utvrđivanje vrijednosti predmeta spora kod više tuženih)

Ako tužitelj jednom tužbom obuhvati dva ili više tuženih i traži da tužbeni zahtjev bude usvojen prema sljedećem tuženom, u slučaju da bude pravomoćno odbijen prema onome koji je u tužbi naveden prije njega, ili ako prema svakom od njih ističe isti zahtjev, ili ako prema pojedinim od njih ističe različite zahtjeve koji su u međusobnoj svezi, vrijednost predmeta spora radi naplate takse određuje se prema zahtjevu čija je vrijednost najveća.

Članak 23.

(Utvrđivanje vrijednosti predmeta spora u sporovima iz nasljednog prava)

Ako je predmet spora nasljedno pravo na cijelost zaostavštini, kao vrijednost predmeta spora uzima se vrijednost čiste zaostavštine, a ako je predmet spora samo jedan dio zaostavštine ili određena stvar iz zaostavštine, kao vrijednost predmeta spora uzima se čista vrijednost tog dijela, odnosno stvari.

Članak 24.

(Utvrđivanje vrijednosti predmeta spora u vlasničko-pravnim sporovima)

Vrijednost predmeta spora u vlasničko-pravnim sporovima o nepokretnostima, određuje se prema prometnoj vrijednosti nepokretnosti koja je predmet spora, a koju na zahtjev taksenog obveznika utvrđuje komisija koju, shodno članku 10. stavku 3. Zakona o porezu na promet nepokretnosti i prava („Službene novine Tuzlanskog kantona“, br. 11/01, 13/01 i 13/03), imenuje općinsko vijeće u općini na čijoj se teritoriji nepokretnost nalazi.

Članak 25.

(Šta se uzima kao vrijednost predmeta spora radi naplate takse)

Kao vrijednost predmeta spora radi naplate takse uzima se:

a) u diobnim parnicama – vrijednost dijela imovine koja se izdvaja iz zajedničke imovine koja je predmet diobe;

b) u parnicama u kojima je predmet spora izvršenje kakve radnje ili trpljenje ili nečinjenje ili izjava volje ili utvrđenje da postoji ili ne postoji neko pravo ili pravni odnos ili da se utvrdi istinitost ili neistinitost kakve isprave – iznos koji je tužitelj označio u tužbi s tim da taj iznos ne može biti manji od 500 KM;

c) u parnicama za proglašenje prestanka važnosti ugovora o arbitraži – iznos od 500 KM;

d) u sporovima o stvarnim i osobnim služnostima i o doživotnom izdržavanju – iznos od 500 KM;

e) u sporovima o utvrđivanju reda prvenstva potraživanja u izvršnom postupku – visina potraživanja, a najviše 1.000 KM.

Članak 26.

(Najniži iznos predmeta vrijednosti spora)

Ako se po odredbama članaka 21. do 25. ovog zakona ne može utvrditi vrijednost predmeta spora, kao vrijednost se uzima iznos od 500 KM.

Članak 27.

(Utvrđivanje vrijednosti predmeta spora u izvršnom postupku)

(1) U izvršnom postupku plaća se taksa prema vrijednosti zahtjeva koji treba izvršiti.

(2) Pri utvrđivanju vrijednosti zahtjeva u izvršnom postupku za naplatu takse shodno se primjenjuju odredbe članaka 21. do 25. ovog zakona.

Članak 28.

(Utvrđivanje vrijednosti predmeta spora u upravnim sporovima)

(1) U upravnim sporovima plaća se taksa prema vrijednosti predmeta spora, ako je predmet spora procjenjiv.

(2) Vrijednost procjenjivog spora utvrđuje se shodno odredbama članaka 21. do 25. ovog zakona.

(3) Ako predmet spora nije procjenjiv, plaća se taksa kao u tarifnom broju 23. Tarife sudskih taksi.

Članak 29.

(Utvrđivanje vrijednosti predmeta spora u ostalim postupcima)

Kada je u vanparničnom postupku, u zemljišno-knjižnom postupku, u stečajnom postupku i postupku likvidacije za plaćanje takse mjerodavna vrijednost zahtjeva, za njeno utvrđenje će se shodno primjenjivati odredbe članaka 21. do 25. ovog zakona, ako u Tarifi sudskih taksi nije drugačije određeno.

Članak 30.

(Promjena vrijednosti predmeta spora u tijeku postupka)

(1) Prvobitno utvrđena vrijednost predmeta spora ostaje kao temelj za plaćanje takse, bez obzira da li se ta vrijednost promijenila u tijeku postupka.

(2) Ako se pravnim lijekom, odnosno prigovorom protiv rješenja o izvršenju, odluka pobija samo u jednom dijelu, za plaćanje takse za pravni lijek, odnosno prigovor uzima se vrijednost samo pobijanog dijela.

(3) Ako pravni lijek ulažu obje stranke, taksa za pravni lijek određuje se posebno za svaku stranku prema vrijednosti onog dijela odluke koji se pravnim lijekom pobija.

(4) U statusnim sporovima, u sporovima za utvrđivanje i u sporovima u kojima se tužbeni zahtjev ne odnosi na novčani iznos, za plaćanje takse za pravni lijek, mjerodavna je vrijednost prema kojoj je plaćena taksa za tužbu.

(5) Za pravni lijek koji se ulaže samo protiv odluke o troškovima postupka ili odluke o sporednim potraživanjima, taksa se plaća samo prema iznosu troškova postupka ili iznosu sporednih potraživanja.

DIO ČETVRTI - POSTUPAK ZA NAPLATU NEPLAĆENE TAKSE, REGISTAR I POSLJEDICE UPISA U REGISTAR

Članak 31.

(Prinudna naplata neplaćene takse)

(1) Takse čiji se iznos određuje na kraju postupka, takseni obveznik je dužan platiti u roku od osam dana od dana prijema rješenja iz članka 8. ovog zakona.

(2) Ako takseni obveznik ne plati taksu u određenom roku, ista će se naplatiti sukladno Zakonu o izvršnom postupku („Službene novine Federacije BiH“, br. 32/03, 52/03, 33/06, 39/06 i 39/09).

(3) Ako je takseni obveznik pravna osoba ili ako se utvrdi da je to efikasan način osiguranja naplate, sud koji je utvrdio obvezu plaćanja sudske takse, provest će izravno prinudnu naplatu blokiranjem računa pravnoj osobi sukladno odredbama Zakona iz stavka (2) ovog članka.

(4) Postupak za naplatu neplaćene takse pokreće pred nadležnim sudom Kantonalno pravobraniteljstvo, osim u slučaju kada sud provede prinudnu naplatu sukladno stavku (3) ovog članka.

Članak 32.

(Registar neplaćenih sudskih taksi i unos podataka u isti)

(1) Sve neplaćene takse koje su određene presudom odnosno rješenjem suda, po isteku roka za njihovo plaćanje, upisat će se u registar neplaćenih sudskih taksi (u daljem tekstu: Registar) i evidentirati kao dug koji takseni obveznik duguje Kantonu.

(2) Nakon isteka roka iz stavka (1) ovog članka, sud će u najkraćem roku dostaviti pravomoćnu i izvršnu presudu, odnosno rješenje Ministarstvu financija Tuzlanskog kantona, radi unosa podataka u Registar.

(3) Propis o izgledu i sadržaju Registra, kao i o načinu unošenja podataka u Registar, donosi ministar financija Tuzlanskog kantona.

(4) Neplaćene takse evidentiraju se u Registru sve dok ih takseni obveznik u cjelosti ne plati, čime ujedno prestaje njegov dug prema Kantonu po tom osnovu.

(5) Neplaćena taksa će u svakom slučaju biti brisana iz Registra po isteku pet godina od dana kada je presuda, odnosno rješenje suda kojim je ta taksa utvrđena postalo pravomoćno i izvršno.

Članak 33.

(Posljedice unosa podataka o neplaćenju sudskoj taksi u Registar)

(1) Dok ne plati sve takse koje su evidentirane u Registru, taksenom obvezniku se neće dozvoliti ostvarivanje bilo kog prava pred kantonalnim organima uprave.

(2) Prije odlučivanja o zahtjevu kojim se traži ostvarivanje nekog prava, kantonalni organi uprave su dužni po službenoj dužnosti provjeriti da li je podnositelj zahtjeva kao takseni obveznik evidentiran u Registru s neizmirenim dugom prema Kantonu.

(3) U slučaju da je podnositelj zahtjeva evidentiran u Registru i ima neizmiren dug po osnovu neplaćene takse, kantonalni organ će ga pismeno pozvati da u roku od osam dana dostavi dokaz da je taj dug izmirio, uz upozorenje da će se u protivnom smatrati kao da njegov zahtjev nije ni podnesen, o čemu će biti donesen zaključak, protiv koga se može izjaviti žalba u roku od 15 dana od dana prijema istog.

(4) O žalbi izjavljenoj na zaključak iz stavka (3) ovog članka, odlučuje Komisija za drugostupanjsko upravno rješavanje Vlade Tuzlanskog kantona.

DIO PETI - POVRAT TAKSE

Članak 34.

(Pravo na povrat plaćene takse)

(1) Osoba koja je platila taksu koju uopće nije bila dužna platiti ili je platila taksu u iznosu većem od propisanog, kao i osoba koja je platila taksu za sudsku radnju, a ta radnja iz bilo kog razloga nije izvršena, ima pravo na povrat takse.

(2) Postupak za povrat takse pokreće se na zahtjev osobe iz stavka (1).

Članak 35.**(Rok za podnošenje zahtjeva za povrat plaćene takse)**

Zahtjev za povrat takse se podnosi sudu u roku od 30 dana od dana kada je taksa plaćena, odnosno od dana saznanja da sudska radnja nije izvršena, a najkasnije u roku od godinu dana od dana kada je taksa plaćena.

Članak 36.**(Zahtjev za povrat plaćene takse u slučaju medijacije)**

Ako se stranke, u tijeku postupka, a najkasnije do zaključenja glavne rasprave, sporazumiju da će pristupiti rješavanju spora u postupku medijacije i u postupku medijacije postignu sporazum, imaju pravo na povrat naplaćene takse u punom iznosu.

Članak 37.**(Rješenje o usvajanju zahtjeva za povrat plaćene takse)**

Ukoliko usvoji zahtjev za povrat takse, sud će primjerak rješenja dostaviti i nadležnom ministarstvu, radi izvršenja povrata.

Članak 38.**(Kada se ne plaća taksa)**

U postupku povrata takse ne plaća se taksa.

DIO ŠESTI - NADZOR NAD PRIMJENOM OVOG ZAKONA**Članak 39.****(Nadležan organ za vršenje nadzora)**

Nadzor nad provedbom odredaba ovog zakona vrši Ministarstvo pravosuđa i uprave Tuzlanskog kantona, izuzev dijela koji se odnosi na Tarifu sudskih taksi, nad kojom nadzor vrši Ministarstvo financija Tuzlanskog kantona.

DIO SEDMI - PRIJELAZNE I ZAVRŠNE ODREDBE**Članak 40.****(Plaćanje takse u prijelaznom razdoblju)**

(1) Za podneske, radnje i isprave, po kojima je taksa obveza nastala do dana početka primjene Zakona o sudskim taksama („Službene novine Tuzlanskog kantona“, broj: 5/09), a taksa nije plaćena, taksa će se platiti sukladno propisima i tarifi koji su važili do dana početka primjene navedenog zakona.

(2) Ako je do dana početka primjene Zakona o sudskim taksama („Službene novine Tuzlanskog kantona“, broj: 5/09) plaćena taksa za radnju, koja će se izvršiti poslije početka njegove primjene, neće se plaćati nova taksa po navedenom zakonu, niti će se vraćati više naplaćena taksa.

(3) Ako je takseni obveznik oslobođen plaćanja takse u postupku, koji do dana početka primjene Zakona o sudskim taksama („Službene novine Tuzlanskog kantona“, broj: 5/09) nije okončan, dato oslobođanje važi i poslije početka primjene navedenog zakona.

Članak 41.**(Donošenje provedbenih propisa)**

Rok za donošenje propisa iz članka 9. stavak (2) i članka 32. stavak (3) Zakona je 90 dana od dana stupanja na snagu Zakona o izmjenama i dopunama Zakona o sudskim taksama („Službene novine Tuzlanskog kantona“, broj: 9/12).

Članak 42.**(Prestanak primjene ranijih propisa)**

Danom početka primjene Zakona o sudskim taksama („Službene novine Tuzlanskog kantona“, broj: 5/09) prestaje važiti Zakon o sudskim taksama („Službene novine Tuzlanskog kantona“, br. 13/97 i 14/99).

Članak 43.**(Sadržaj prečišćenog teksta)**

Prečišćeni tekst Zakona o sudskim taksama obuhvata:

a) Zakon o sudskim taksama („Službene novine Tuzlanskog kantona“, broj: 5/09),

b) Zakon o izmjenama Zakona o sudskim taksama („Službene novine Tuzlanskog kantona“, broj: 4/10) i

c) Zakon o izmjenama i dopunama Zakona o sudskim taksama („Službene novine Tuzlanskog kantona“, broj: 9/12).

Članak 44.**(Primjena prečišćenog teksta)**

Prečišćeni tekst Zakona o sudskim taksama se primjenjuje od dana objavljivanja u „Službenim novinama Tuzlanskog kantona“, a važnost njegovih odredaba utvrđena je u zakonima koji su obuhvaćeni prečišćenim tekstom zakona.

TARIFA SUDSKIH TAKSI**DIO PRVI - PARNIČNI I IZVRŠNI POSTUPAK****Tarifni broj 1.****(Taksa za podneske)**

(1) Za tužbu, protivtužbu, prijedlog za ponavljanje postupka, prijedlog da se prizna odluka stranog suda i odluka stranog arbitražnog suda, plaća se, prema vrijednosti predmeta spora, sljedeća taksa:

- a) do 500 KM 20 KM;
- b) od 500 do 1.500 KM 50 KM;
- c) preko 1.500 do 3.000 KM 80 KM;
- d) preko 3.000 do 10.000 KM 150 KM;
- e) preko 10.000 do 50.000 KM 300 KM;
- f) preko 50.000 do 100.000 KM 500 KM;
- g) preko 100.000 KM 0,5 % na označenu vrijednost spora, ali ne više od 8.000 KM.

(2) Za tužbu za utvrđivanje i osporavanje očitstva, plaća se taksa u iznosu od 50 KM.

(3) Za tužbu kojom se traži razvod braka, poništenje braka, utvrđivanje postojanja i nepostojanja braka i utvrđivanje da je brak zaključen, plaća se taksa u iznosu od 200 KM.

(4) Za tužbu zbog smetanja posjeda, plaća se taksa u iznosu od 50 KM.

(5) Za tužbu zbog iseljenja, plaća se taksa u iznosu od 100 KM.

(6) Za tužbu zbog otkaza ugovora o zajmu ili zakupu stvari, za tužbu o otkazu ugovora o zakupu poslovnih prostorija, plaća se taksa u iznosu od 100 KM.

(7) Za prijedlog da se dozvoli izvršenje ili osiguranje ili izda privremena mjera, za prijedlog za povrat u prijašnje stanje, za prijedlog za osiguranje dokaza prije pokretanja parnice, za prijedlog za određivanje sudske mjere osiguranja, za odgovor na tužbu ili reviziju, plaća se polovina takse propisane ovim tarifnim brojem.

(8) Za prijedlog kojim se daje otkaz ugovora o zakupu poslovnih prostorija, plaća se taksa u iznosu od 100 KM.

(9) Za prijedlog da se prizna odluka stranog suda u statusnim stvarima plaća se taksa u iznosu od 100 KM, a za žalbu protiv donesenog rješenja – 150 KM.

(10) Za žalbu ili reviziju protiv presude i za žalbu protiv rješenja u sporovima zbog smetanja posjeda, plaća se taksa propisana stavkom (1) ovog tarifnog broja.

(11) Za žalbu protiv rješenja kojim je odbijen prijedlog za povrat u prijašnje stanje plaća se polovina takse prema vrijednosti predmeta spora iz stavka (1) ovog tarifnog broja, ali ne više od 200 KM.

(12) Za žalbu ili reviziju protiv ostalih rješenja, plaća se taksa propisana u stavku (1) ovog tarifnog broja.

(13) Za podnesak primljen na zapisnik kod suda, kao i za podnesak primljen na zapisnik u tijeku rasprave, plaća se taksa za odnosni podnesak, propisana ovim tarifnim brojem.

(14) Ne plaća se posebna taksa za prepisivanje iz tarifnog broja 27. ove Tarife, ako je zapisnik trebalo sastaviti u više primjeraka.

(15) Kad je u tužbi stavljen prijedlog za određivanje sudske mjere osiguranja ili kada se u žalbi stavi prijedlog za povrat u prijašnje stanje, plaća se, pored takse na tužbu, odnosno žalbu i taksa na prijedlog propisana stavkom (7) ovog tarifnog broja.

(16) Za prijedlog da se dozvoli izvršenje ili osiguranje ili da se odredi sudska mjera osiguranja, plaća se jedna taksa i kad se predloži istovremeno ili naknadno više sredstava izvršenja, odnosno osiguranja.

Tarifni broj 2.

(Taksa za odluku)

(1) Za presudu prvostupajnskog suda i rješenje o priznavanju odluke stranog suda ili odluke stranog arbitražnog suda, plaća se taksa prema taksenoj osnovici, propisanoj tarifnim brojem 1. ove Tarife.

(2) Za presudu zbog propuštanja, presudu zbog odricanja i za presudu na temelju priznanja donesenu najkasnije na pripremnom ročištu, odnosno na ročištu za glavnu raspravu, ako pripremno ročište nije održano, plaća se polovina takse propisane tarifnim brojem 1. ove Tarife.

(3) Za rješenje o odbacivanju tužbe, koje se shodno Zakonu o parničnom postupku donosi prije ili u tijeku prvostupajnskog postupka, plaća se polovina takse propisane tarifnim brojem 1. ove Tarife, ali ne više od 200 KM.

(4) Za rješenje o prijedlogu za dozvolu izvršenja ili osiguranja, kao i za rješenje o određivanju sudske mjere osiguranja, odnosno naredbe, plaća se polovina takse propisane tarifnim brojem 1. ove Tarife.

(5) Taksa za konačnu odluku plaća se prema vrijednosti ostatka spornog predmeta koji nije obuhvaćen dopunskom presudom.

(6) Za presudu prvostupajnskog suda koja je donesena u svezi s protivtužbom plaća se taksa kao da je o protivtužbi posebno raspravljano.

(7) Ako je više parnica spojeno radi zajedničkog raspravljanja, taksa za presudu plaća se posebno za svaku parnicu, kao da ne postoji spajanje više parnica.

(8) Za dopunsku presudu ili rješenje neće se plaćati taksa ako je za odluku koja je dopunjena plaćena taksa prema punoj vrijednosti spora. Također se neće plaćati taksa za donošenje odluke kojom se vrši naknadna ispravka ranije donijete odluke.

(9) Za rješenje o izvršenju ili osiguranju, plaća se jedna taksa, bez obzira da li je odlučeno o više sredstava izvršenja, odnosno osiguranja i bez obzira da li je odlučeno istovremeno ili naknadno.

Tarifni broj 3.

(Taksa za sudsku nagodbu)

Za sudsku nagodbu u tijeku prvostupajnskog postupka plaća se prema vrijednosti na koju su se stranke nagodile, polovina takse propisane tarifnim brojem 1. ove Tarife.

DIO DRUGI - VANPARNIČNI POSTUPAK

Tarifni broj 4.

(Opće odredbe)

(1) Za prijedlog kojim se pokreće postupak u vanparničnoj stvari, izuzev kada se radi o postupcima koji su predviđeni u tarifnim brojevima 8. do 12. ove Tarife, plaća se taksa u iznosu od 60 KM.

(2) Za prijedlog i odluku za proglašenje nestale osobe u ratu umrlom i dokazivanje smrti osobe u ratu, ne plaća se taksa.

(3) Taksa na nalog za iseljenje iz poslovnih prostorija uračunava se u taksu na odluku suda koja bude donijeta povodom prigovora protiv naloga. Ako je taksa na nalog veća od takse koja je plaćena na odluku povodom prijedloga za izdavanje naloga za iseljenje iz poslovnih prostorija, u tom slučaju će se naplatiti razlika.

Tarifni broj 5.

(Taksa za odluku u vanparničnom postupku)

(1) Za odluku suda u vanparničnom postupku, plaća se taksa u iznosu od 100 KM.

(2) U svim vanparničnim postupcima primjenjivat će se shodno odredbe stavka (8) iz tarifnog broja 2. ove Tarife.

Tarifni broj 6.

(Taksa za sudsku nagodbu u vanparničnom postupku)

Za sudsku nagodbu u svim vanparničnim postupcima, plaća se taksa u iznosu od 50 KM.

Tarifni broj 7.

(Taksa za žalbu u vanparničnom postupku)

Za žalbu protiv odluke prvostupajnskog suda u vanparničnom postupku, plaća se taksa u iznosu od 100 KM.

Tarifni broj 8.

(Taksa za raspravljanje zaostavštine)

(1) Za raspravljanje zaostavštine, plaća se taksa prema vrijednosti čiste zaostavštine, i to:

- | | |
|--|----------------|
| a) do 5.000 KM | 50 KM, |
| b) preko 5.000 KM do 20.000 KM | 80 KM, |
| c) preko 20.000 KM do 50.000 KM | 130 KM, |
| d) preko 50.000 KM do 100.000 KM | 150 KM, |
| e) preko 100.000 KM do 200.000 KM | 200 KM, |
| f) preko 200.000 KM do 500.000 KM | 300 KM, |
| g) preko 500.000 KM | 500 KM + 0,5 % |
| na razliku iznad 500.000 KM ali ne više od 3.000 KM. | |

(2) Taksa se plaća samo ako je postupak za raspravljanje zaostavštine završen donošenjem rješenja o nasljeđivanju. Taksa na rješenje o naknadno pronađenoj imovini plaća se prema vrijednosti naknadno pronađene imovine, a sukladno stavku (1) ovog tarifnog broja.

(3) Taksu plaćaju nasljednici u srazmjeri nasljednih dijelova.

(4) Prilikom utvrđivanja čiste vrijednosti zaostavštine odbit će se ostaviteljevi dugovi, troškovi sahrane ostavitelja, legati i drugi tereti, troškovi popisa i procjene zaostavštine i drugi troškovi.

(5) Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o nasljeđivanju.

(6) Za zabilježbu prvenstvenog reda i uknjižbu ustupanja prvenstva kao i za ostale zabilježbe vezane za zaostavštinu plaća se taksa propisana tarifnim brojem 14. ove Tarife.

Tarifni broj 9.**(Taksa za sastavljanje i čuvanje testamenta)**

Taksa u iznosu od 50 KM plaća se za:

- a) prijedlog za sastavljanje sudskog testamenta,
- b) sastavljanje sudskog testamenta,
- c) prijedlog kojim se traži čuvanje testamenta u sudu,
- d) opoziv testamenta sastavljenog pred sudom,
- e) prijedlog za vraćanje testamenta koji se nalazi na čuvanju u sudu,
- f) vraćanje testamenta koji se zamjenjuje.

Tarifni broj 10.**(Taksa za prijedlog i odluku u postupku diobe zajedničke imovine)**

Za prijedlog i odluku da se provede dioba zajedničke imovine taksa se plaća prema vrijednosti imovine, i to:

- a) do 5.000 KM 50 KM,
- b) preko 5.000 KM do 20.000 KM 80 KM,
- c) preko 20.000 KM do 50.000 KM 130 KM,
- d) preko 50.000 KM do 100.000 KM 150 KM,
- e) preko 100.000 KM do 200.000 KM ... 200 KM,
- f) preko 200.000 KM do 500.000 KM 300 KM,
- g) preko 500.000 KM vrijednosti 500 KM + 0,5 % na razliku iznad 500.000 KM, ali ne više od 3.000 KM.

Tarifni broj 11.**(Taksa za prijedlog za uređenje međe)**

Za prijedlog za uređenje međe, plaća se taksa u iznosu od 100 KM.

Tarifni broj 12.**(Taksa za ovjeru potpisa, rukopisa, prijepisa i prijevoda)**

(1) Za podnesak kojim se traži ovjera potpisa, rukopisa, prijepisa i prijevoda, plaća se taksa u iznosu od 10 KM.

(2) Za ovjeru prijepisa, plaća se taksa - za prvi polutabak 10 KM, a za svaki sljedeći polutabak iznos od 5 KM.

(3) Za ovjeru rukopisa, plaća se taksa za prvi polutabak 10 KM, a za svaki sljedeći novi polutabak iznos od 5 KM.

(4) Za ovjeru potpisa sudskog tumača na prijevodima, plaća se taksa u iznosu od 10 KM.

(5) Za ovjeru potpisa na punomoći, plaća se taksa u iznosu od 10 KM.

(6) U postupku prodaje stanova po Zakonu o prodaji stanova na kojima postoji stanarsko pravo, plaća se taksa za ovjeru potpisa na ugovoru u iznosu od 10 KM, a za upis u knjigu položenih ugovora 20 KM, dok se za ovjeru potpisa na ostalim ugovorima plaća taksa u iznosu od 50 KM.

(7) Za podnesak, odnosno ovjeru produženja roka važenja ugovora, plaća se 50% od iznosa takse iz stavka (6) ovog tarifnog broja.

(8) Kada je vrijednost ugovora procjenjiva, ali nije u ugovoru označena, za ovjeru potpisa na ugovoru plaća se dvostruka taksa iz stavka (6) ovog tarifnog broja.

(9) Potpis na ispravi koju izdaju državni organi, potpisi ovlaštenih osoba za potpisivanje firmi ili pravne osobe smatraju se kao jedan potpis, ako su propisima ili pravilima za potpisivanje ovlaštene dvije ili više osoba.

(10) Za podnesak kojim se traži ovjera potpisa (rukoznaka) na ispravi plaća se jedna taksa, bez obzira koliko se potpisa (rukoznaka) na ispravi ovjerava.

(11) Za ovjeru potpisa (rukoznaka) i pečata, plaća se jedna taksa.

(12) Ako se jednim podneskom traži ovjera potpisa (rukoznaka) na više isprava, plaća se taksa za podnesak.

(13) Pod polutabakom podrazumijeva se list hartije od dvije strane formata A-4. Započeti polutabak se računa kao cijeli.

(14) Za ovjeru potpisa na punomoći, odnosno ugovoru plaća se jedna taksa, bez obzira da li se ovjerava jedan ili više potpisa.

DIO TREĆI - ZEMLJIŠNO-KNJIŽNI POSTUPAK**Tarifni broj 13.****(Taksa za podneske)**

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe, kao i upis prava upravljanja ili prava korištenja na nekretninama, plaća se taksa u iznosu od 10 KM.

Tarifni broj 14.**(Taksa za upise podataka)**

(1) Sudsku taksu snosi osoba u čiju korist se vrši uknjižba, osim ako ugovorne strane ne utvrde drugačije.

(2) Za uknjižbu u zemljišnu knjigu plaća se:

- a) uknjižba vlasništva 50 KM,
- b) uknjižba hipoteke, zemljišnog duga ili doživotnog prava uživanja, trajnog prava korištenja, stvarnih služnosti i tereta, pravo dugoročnog najma i zakupa, prava preče kupovine i realnih tereta 50 KM,
- c) uknjižba predbilježbe ili zabilježbe naplaćuje se paušalno 10 KM.

Tarifni broj 15.**(Takse za prijepise i izvratke)**

(1) Za prijepise i izvratke plaća se sljedeća taksa:

- a) za izdavanje neovjerenog prijepisa ili izvratka 5 KM,
 - b) za izdavanje ovjerenog prijepisa ili službenog izvratka 10 KM,
 - c) za izdavanje uvjerenja i potvrda 5 KM.
- (2) Za dopune i potvrde prijepisa i izvadata naplaćuje se ista taksa kao i za njihovo izdavanje.

Tarifni broj 16.**(Taksa za žalbu ili prigovor)**

Za žalbu ili prigovor protiv rješenja u zemljišno-knjižnim postupcima, plaća se taksa u iznosu od 10 KM.

DIO ČETVRTI - TAKSE U POSTUPKU STEČAJA I LIKVIDACIJE**Tarifni broj 17.****(Takse za podneske)**

(1) Za prijedlog da se otvori postupak stečaja ili likvidacije, plaća se taksa u iznosu od 100 KM.

(2) Za prijavu povjeritelja u postupku stečaja ili likvidacije, plaća se taksa u iznosu od 1% od vrijednosti potraživanja, s tim da ne može biti manja od 50 KM niti veća od 10.000 KM.

(3) Za žalbu protiv odluke o stečajnom ili likvidacijskom postupku, plaća se taksa u iznosu od 1% od vrijednosti potraživanja, s tim da ne može biti manja od 100 KM niti veća od 10.000 KM.

(4) Kao temelj za plaćanje takse na prijave povjeritelja uzima se iznos potraživanja koji povjeritelj prijavljuje. Pri tome će se uzimati da uvjetovana tražbina nije uvjetovana. Ako jedan povjeritelj prijavi više potraživanja, taksa se plaća na ukupan iznos tih potraživanja.

Tarifni broj 18.**(Taksa u stečajnom postupku)**

(1) U stečajnom postupku, od zbira iznosa koji su upotrijebljeni ili stoje na raspolaganju za podmirenje dugova stečajne mase, plaća se taksa u iznosu od 100 KM do 1.000 KM, u ovisnosti od složenosti postupka.

(2) Taksu u stečajnom postupku određuje sud po okončanju postupka, a dužan je platiti stečajni upravnik iz stečajne mase nakon pravomoćnosti rješenja o glavnoj ili naknadnoj diobi.

PETI DIO - UPIS U SUDSKI REGISTAR

Tarifni broj 19. (Taksa za podneske)

(1) Za prijavu u sudski registar, plaća se taksa u iznosu od 10 KM.

(2) Ako se jednom prijavom traži više upisa za istu pravnu osobu, plaća se samo jedna taksa iz ovog tarifnog broja.

Tarifni broj 20. (Taksa za upise u sudski registar)

(1) Za rješenje o upisu osnivanja privrednog društva, plaća se taksa u iznosu od 200 KM.

(2) Za rješenje o upisu osnivanja dijelova privrednog društva, plaća se taksa u iznosu od 100 KM.

(3) Za rješenje o upisu osnivanja drugih pravnih osoba koje nisu navedene u stavcima (1) i (2) ovog tarifnog broja, plaća se taksa u iznosu od 200 KM.

(4) Za rješenje o upisu osobe ovlaštene za zastupanje pravne osobe, plaća se taksa u iznosu od 100 KM.

(5) Za rješenje o upisu prava vršenja spoljnotrgovinskog prometa, plaća se taksa u iznosu od 200 KM, pored iznosa iz stavka (1) ovog tarifnog broja.

(6) Za rješenje o upisima koji nisu obuhvaćeni prethodnim stavcima ovog tarifnog broja, plaća se taksa u iznosu od 150 KM po jednom upisu.

(7) Za zahtjev za brisanje upisa iz sudskog registra, plaća se taksa u iznosu od 50 KM.

(8) Za rješenje po zahtjevu za brisanje upisa, plaća se taksa u iznosu od 50 KM.

(9) Kada se više privrednih društava spajaju u jedno, pored takse za podnesak plaća se i taksa iz stavka (6) ovog tarifnog broja, kao i taksa za upis novoosnovanog privrednog društva.

(10) Ako se jednim podneskom traži više upisa, plaća se taksa za svaki upis posebno.

(11) Za žalbu na rješenje donijeto u postupku upisa u sudski registar, plaća se taksa u iznosu od 100 KM.

Tarifni broj 21.

(Taksa za objavljivanje upisanih podataka)

(1) Za dostavljanje upisanih podataka radi objavljivanja u službenom glasniku, plaća se taksa u iznosu od 10 KM.

(2) Za objavljivanje podataka čije je upisivanje traženo jednim podneskom, plaća se samo jedna taksa iz ovog tarifnog broja.

DIO ŠESTI - UPRAVNI SPOR I POSTUPAK ZA SUDSKU ZAŠTITU

Tarifni broj 22.

(Taksa za tužbu u upravnim sporovima)

(1) Za tužbu protiv upravnog akta, plaća se taksa u iznosu od 100 KM.

(2) Za tužbu u sporovima iz zdravstvenog, mirovinskog i invalidskog osiguranja, dječijeg dodatka, starateljstva, usvojenja i socijalne pomoći, plaća se taksa u iznosu od 20 KM.

(3) Za tužbu za ponavljanje postupka, plaća se taksa u iznosu od 100 KM.

(4) Za zahtjev za vanredno preispitivanje sudske odluke u upravnom sporu, plaća se taksa u dvostrukom iznosu od takse iz stavaka (1) i (2) ovog tarifnog broja.

(5) Ako je uz tužbu protiv upravnog akta stavljen i zahtjev za odlaganje od izvršenja upravnog akta, plaća se taksa u iznosu od 150 KM.

Tarifni broj 23. (Taksa za odluke)

Za presudu u postupku u upravnom sporu plaća se:

a) kada je predmet spora procjenjiv - 1% od vrijednosti spornog predmeta, s tim da ne može biti manja od 100 KM ni veća od 5.000 KM;

b) kada je predmet spora neprocjenjiv - 100 KM;

c) kada se radi o sporovima iz zdravstvenog, mirovinskog i invalidskog osiguranja, starateljstva, dječijeg dodatka, usvajanja i socijalne pomoći taksa za presudu plaća se u iznosu od 20 KM;

d) ako je predmet spora djelimično procjenjiv, taksa se plaća kao da je predmet procjenjiv.

DIO SEDMI - POSEBNI SLUČAJEVI

Tarifni broj 24.

(Taksa za sudska uvjerenja i potvrde)

(1) Za podnesak kojim se traži izdavanje uvjerenja plaća se taksa u iznosu od 5 KM.

(2) Za izdato uvjerenje, plaća se taksa u iznosu od 10 KM.

(3) Za potvrdu o pravomoćnosti ili izvršnosti koja se stavlja na sudski otpis plaća se taksa u iznosu od 5 KM.

(4) Ako se jednim uvjerenjem potvrđuje više činjenica, plaća se jedna taksa.

(5) Plaćanju takse iz stavka (1) ovog tarifnog broja podliježu i elektronski podnesci kao i svaki naknadni podnesak kojim se dopunjava ili mijenja prvobitni podnesak.

Tarifni broj 25.

(Taksa za punomoć)

(1) Za izdavanje usmene punomoći pred sudom, za usmeno opozivanje ili otkaz punomoći pred sudom, plaća se taksa u iznosu od 10 KM.

(2) Za sudsku obavijest o opozivu ili otkazu punomoći plaća se taksa u iznosu od 5 KM.

(3) Ako više osoba ovlaštenih za potpisivanje pravne osobe izdaju punomoć jednom zastupniku, plaća se taksa za jednu punomoć.

(4) Za izdavanje usmene punomoći po stavku (1) ovog tarifnog broja, plaća se jedna taksa i kad više osoba istovremeno izdaju punomoć jednom ili većem broju osoba.

Tarifni broj 26.

(Taksa za razmatranje spisa)

Za pismeni podnesak za razmatranje završenih sudskih spisa, plaća se taksa u iznosu od 5 KM.

Tarifni broj 27.

(Takse za prijepise)

(1) Za pismeni ili usmeni zahtjev da se izvrši prepisivanje sudske odluke, plaća se taksa u iznosu od 5 KM.

(2) Za prepisivanje sudske odluke kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala taksa u iznosu od po 5 KM.

(3) Za izdavanje prijepisa raspravnog zapisnika, kao i za prijepis raspravnog zapisnika koji je izrađen istovremeno sa sastavljanjem originala, plaća se polovina takse iz stavka (1) ovog tarifnog broja.

(4) Za izdavanje transkripta audio zapisa, plaća se taksa od 2 KM po stranici. Kao cijela stranica smatra se svaka započeta stranica teksta u standardnom formatu.

(5) Za izdavanje audio zapisa na CD-u, plaća se taksa u iznosu od 5 KM.

(6) Ako se istovremeno sudski prijepis ovrjava, plaća se posebna taksa za ovrjavanje u iznosu od 5 KM.

(7) Pod prijepisom se ne podrazumijevaju: fotokopija ili kopija, koja je preslikani original ili matrica, uključujući uvećanje i umanjenje, mehaničkim ili elektronskim presnimavanjem, kemijskom reprodukcijom ili nekom drugom ekvivalentnom tehnikom kojom se precizno reproducira original.

Tarifni broj 28.

(Taksa za izvode iz sudskog registra i drugih javnih knjiga)

(1) Za izvode iz sudskog registra ili drugih javnih knjiga koje vodi sud, ako se izdaju na zahtjev stranke, plaća se taksa u iznosu od 10 KM po stranici.

(2) Kada je izvod sastavila sama stranka i podnijela ga sudu na potvrdu, plaća se polovina takse iz ovog tarifnog broja.

Tarifni broj 29.

(Taksa za sudski depozit)

(1) Za čuvanje (depozit) novca, stvari i papira od vrijednosti na zahtjev stranke, plaća se godišnje 1% vrijednosti, s tim da iznos takse ne može biti manji od 100 KM.

(2) Taksa se plaća za svaku godinu unaprijed, a započeta godina računa se kao cijela.

(3) Ako se vrijednost stvari ne može procijeniti po njihovoj prirodi, izvršit će se procjena od strane vještaka o trošku deponenta.

Tarifni broj 30.

(Taksa za protest isprava)

(1) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja, plaća se taksa u iznosu od 5 KM.

(2) Za protest isprave se plaća taksa prema vrijednosti, i to:

- a) do 50 KM 5 KM,
- b) preko 50 KM do 500 KM 25 KM,
- c) preko 500 KM 50 KM.

(3) Ako se jednom molbom traži više protesta odnosno zamjena protesta, plaća se jedna taksa za molbu, ali se u tom slučaju plaća posebna taksa za svaki protest, odnosno zamjenu protesta.

Tarifni broj 31.

(Taksa za ostale upise)

Za podnesak koji stranka usmeno daje na zapisnik pred sudom, plaća se taksa predviđena u ovoj Tarifi za odnosni podnesak.

Tarifni broj 32.

(Taksa za postupke pred arbitražom)

(1) Za prijedlog stranke da sud postavi arbitra ili predsjednika arbitraže, plaća se taksa u iznosu od 10 KM.

(2) Za prijedlog o izuzeću arbitra, plaća se taksa u iznosu od 25 KM.

(3) Za sastavljanje potvrde o pravomoćnosti i izvršnosti presude arbitraže, plaća se taksa u iznosu od 10 KM.

Tarifni broj 33.

(Taksa za zahtjev za izuzeće)

Za zahtjev za izuzeće, plaća se taksa u iznosu od 10 KM.

270

Na temelju članka 24. stavak 1. točka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.3.2016. godine, d o n o s i

ODLUKU

o obvezi pribavljanja prethodne suglasnosti osnivača prilikom raspolaganja imovinom

I.

Ovom odlukom utvrđuje se obveza ustanova osnovne i srednje naobrazbe čiji je osnivač Skupština Tuzlanskog kantona ili nad kojim je Skupština Tuzlanskog kantona preuzela osnivačka prava (u daljem tekstu: škole) da prilikom raspolaganja nepokretnom imovinom škole moraju pribaviti prethodnu suglasnost osnivača.

II.

Odluku o davanju prethodne suglasnosti u ime osnivača donosit će Vlada Tuzlanskog kantona.

III.

Materija koja se regulira ovom odlukom uredit će se zakonskim propisima u roku od 30 dana od dana donošenja ove odluke.

IV.

Ova odluka stupa na snagu danom donošenja i objavit će se u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

PREDSJEDNIK
Skupštine Tuzlanskog
kantona,

Broj: 01-02-205-3/16
Tuzla, 30.3.2015. godine

Senad Alić, v.r.

271

Na temelju članaka 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), Vlada Tuzlanskog kantona, na sjednici održanoj 16.02.2016. godine, d o n o s i

ODLUKU

o izmjeni Odluke o privremenom reguliranju ovjere zdravstvenih legitimacija i uplati premije za ratne vojne invalide i članove njihovih obitelji

Članak 1.

U Odluci o privremenom reguliranju ovjere zdravstvenih legitimacija i uplati premije za ratne vojne invalide i članove njihovih obitelji („Službene novine Tuzlanskog kantona“, br. 5/03, 2/04, 14a/04, 2/06, 1/07, 1/08, 1/09, 1/10, 2/11, 1/12, 2/13, 1/14 i 1/15), članak 2. mijenja se i glasi: